



Province of the
EASTERN CAPE
EDUCATION

NATIONAL SENIOR CERTIFICATE

IBANGA 12

SEPTEMBER 2011

ISIXHOSA ULWIMI LOKUQALA OLONGEZELELWEYO(FAL) – P3

AMANQAKU: 100

IXESHA: 2½ iiyure



Olu viwo lunamaphepha asi – 8.

IMIYALELO NENGACISO

1. Eli phepha linamaCANDELO AMATHATHU:
ICANDELO A : Izincoko (50)
ICANDELO B : Imihlathana emide (30)
ICANDELO C : Imihlathana emifutshane (20)
2. Phendula umbuzo ube MNYE kwicandelo ngaliNYE.
3. Bhala ngolwimi ohlolwa ngalo.
4. Qala icandelo ngaliNYE kwiphepha elitsha.
5. Yenza UYILO (umzekelo, imephu yengqondo, isazobe okanye idayagram/iflowu tshathi/amagama angundoqo, njalo-njalo), hlela uze ufunde kwakhona umsebenzi wakho. Uyilo malubhalwe phambi kokubhalwa kwesincoko.
6. Wonke umsebenzi woyilo mawubhalwe ucaciswe ngolo hlobo. Uyacetyiswa ukuba ukrwele umgca onqumla kulo lonke uyilo olwenzileyo.
7. Uyacetyiswa ukuba usebenzise imizuzu engama-80 ubuncinci KWICANDELO A. Imizuzu engama-40 KWICANDELO B nemizuzu engama-30 KWICANDELO C.
8. Bhala iimpendulo zakho ngokuchanekileyo ngokwendlela yokunombola esetyenziswe kwiphepha lemibuzo.
9. Nika impendulo nganye isihloko esichanekileyo. QAPHELA: Isihloko masingabalwa xa kubalwa amagama asetyenzisiweyo.
10. Bhala ngokucacileyo nangokucocekileyo.
11. UBUDE BEEMPENDULO:
ICANDELO A : Izincoko – Bhala isincoko esili-190 – 240 amagama.
ICANDELO B : Imihlathana emide – Bhala ama-80 – 100 lamagama.
[umxholo kuphela]
ICANDELO C : Imihlathana emifutshane – Bhala ama-60 – 80 amagama.
[umxholo kuphela]

ICANDELO A : IZINCOKO**UMBUZO 1**

Khetha isihloko sibesiNYPE kwezi zilandelayo. Bhala amagama ali-190 ukuya kuma-240.

- 1.1 Bhala isincoko esiphela ngamazwi athi, 'Ukuzenza akufani nokwenziwa'. [50]

OKANYE

- 1.2 Abanye bathi uMzantsi Afrika wawungcono ngelaa xesha wawuphethwe ngabantu abaNhlophe, kanti ke abanye bathi baziva beseKanana ngoku kuphethwe abantu abaNyama. Gxeka uncoma ezi zimvo zahlukeneyo uvelele zonke iinkalo ungqiyame ngezimvo eziphathekayo. Veza olwakho uluvo, uthini? [50]

OKANYE


- 1.3 Xa unokunikwa ithuba lokuba uqulunqe umgaqo wokulawula izikolo zamabanga aphakamileyo ungenza njani ukuze uqinisekise ukuba abafundi baseMzantsi Afrika bafumana eyona mfundo isemgangathweni, bayakhekha ukuze babengabemi abaphumeleleyo njengoko ikamva lelizwe lisezandleni zabo. Bhala isincoko esiveza yonke imibono yakho ngalo mba. Sinike isihloko. [50]

OKANYE

- 1.4 Ifuthe okanye impembelelo yoosaziwayo kulutsha. Chaza. [50]

OKANYE

- 1.5 Jongisisa lo mfanekiso uze ubhale isincoko ngendlela owutolika ngawo. Nika isihloko esifanelekileyo.

**[50]****OKANYE**

- 1.6 Abantu abadala bakholelwa ekubeni ngela xesha abafana bebebonelwa iintombi ngabazali babo ibingaqhawuki ngale ndlela iqhawuka ngayo imitshato ngeli thuba likamazikhethete. Inkolo yabo ibisithi, 'Ubhle bendoda ziinkomo'. Ingaba ukuqhawuka kwemitshato kule mihla kubangelwa kukutyeshelwa kwesi sithethe sobawomkhulu? Xoxa.

[50]**OKANYE**

- 1.7 Qwalasela lo mfanekiso uze ubhale isincoko. Nika isincoko sakho isihloko esifanelekileyo.



[BONA, FEBRUWARI 2011, IPHEPHA 85]

[50]

OKANYE

- 1.8 Bhala isincoko ngelona theko likumgangatho ophezulu wakha waya kulo. [50]

AMANQAKU ECANDELO A: 50

ICANDELO B: IMIHLATHANA EMIDE

UMBUZO 2

Yonyula umhlathana omde ubeMNYE kuphela. Bhala ama-80 – 100 amagama (umxholo kuphela). Wubhale kwiphepha elitsha umhlathana lowo.


2.1 ILETA ESEMTHEHWENI

Ungumfundi owonyulelwe ukuba ngumququzeleli wokhenketho lwesiXhosa kwibanga lakho. Olu khenketho luya kwelinye lamaziko agcine izinto zemveli zeli lizwe lethu (Heritage sites). Bhala ileta eya kumphathi welo ziko ucela imvume yokuba nityelele kwelo ziko. Ungalibali ukumchazela ngexesha enifuna ukuya ngalo nangezinto ezinitsalele kwelo ziko njalo njalo.

[30]

2.2 INGXOXO/IDAYALOGU

Funda le ncoko yaba bafundi ingezantsi, uze ubhale ingxoxo esukela kwezi zimvo zabo.



OKANYE

2.3 IOBHITSHUWARI

UMakazi wakho uye wasutywa kukufa emva kwengulo emfutshane. Ikhaya lakhe likucelile ukuba ulenzele imbali ngobomi bakhe. Bhala ke iobhitshuwari kaMakazi wakho.

[30]

OKANYE

2.4 INTETHO

Umama wakho ugqibe iminyaka engama-50, niza kumenzela itheko lokuzalwa. Uceliwe lusapho lwakho njengezibulo lakhe ukuba ubesisithethi esimele usapho. Bhala intetho oza kuyenza ngale mini.



[30]

AMANQAKU ECANDELO B: 30

ICANDELO C: IMIHLATHANA EMIFUTSHANE**UMBUZO 3**

Bhala umhlathana ubeMNYE kweli Candelo. Umhlathana lowo ube ngamagama angama-60 – 80. Wubhale kwiphepha elitsha umhlathana lowo.

3.1 IKHADI LESIMEMO

Ungunobhala webhodi yeMatriki kwisikolo sakho, uza kubhala izimemo zomdaniso wabafundi beMatriki. Bonisa ukuba uza kuwenza njani la makhadi ngokuthi ubhale ikhadi lesimemo salo mnyhadala umema abafundi bebanga leMatriki.

[20]**OKANYE****3.2 UKUKHOMBISA INDLELA**

Umi ngakwirenki yeebhasi, kwidolophu yakho, kufika kuwe umama olahlekayo ucela ukuba umncede umalathise indlela eya eposini yale dolophu yakho. Mcacisele umbonise eyona ndlela ilula esuka kule ndawo nikuyo ukuya kufika eposini apho.

[20]**OKANYE****3.3 UNGENISO KWIDAYARI**

Ungumfundi oxakekileyo kakhulu ngakumbi ngeli xesha leemviwo. Bhala idayari yeentsuku ezintlanu ubonise okwenzayo kusuku ngalunye.

[20]**AMANQAKU ECANDELO C: 20****AMANQAKU EWONKE: 100**